

○按ズルニ、事力ヲ運送ストハ、事力ノ課ヲ收メテ運送スルナリ、

〔日本後紀桓武〕延曆十六年二月壬申、是日停給畿内國司事力并職田、

〔類聚國史八十四〕延曆十七年正月甲辰云々、停止公廩、一混正稅利、置國儲及國司俸、又定書生及事

力數、停公廩田、

〔日本紀略桓武〕延曆十九年八月丁亥、依舊更置國司公廩田、

〔令集解十二〕古記云、公廩田不輸租問、國司公廩田以誰人作役事力作也、

〔享祿本類聚三代格六〕太政官符

應停畿内諸國事力事

右得當道觀察使左大辨從四位上兼行右衛門督藤原朝臣緒嗣奏稱、檢令前世之時、未有公廩、特充事力、以優國司、天平十七年始置公廩、利潤已給、理須停止、延曆十六年、依給俸料、畿内事力、一切停止、至于廿年、停給俸料、公廩事力、並依舊例、優厚倍重、至今遵行、但畿内諸國近棲○棲恐都下、雖事調、無輸庸物、比於他國、良以爲輕、而百姓困弊、未期家給、尋其所由、實在臨時差科繁多、徭丁數少、今國司等公廩有潤、兼蒙營田、望請停給事力、支用雜役、然則公途得濟、私門無乏、謹請處分者、被右大臣宣奉勅依請、

大同三年二月五日

太政官符

應國司停作田給事力事

右得河内國解僞、檢案内、太政官去延曆三年十一月三日下諸國符僞、國司等多營田園、妨民農業、凋弊之源、職斯之由、宜加禁制、不得使然者、而至于大同二年七月廿四日下符、畿内特聽作田、不給事力、在今商量、營田之煩、觸事多妨、望請准據舊例、停止作田、被給事力、但以徭均使、不損貢賦、謹請官裁者、